

Vischnaunca da Breil

Regulativ dil vischinadi da Danis-Tavanasa

2000

Art.	1	Territori
	2	Vischins
	3	Organs
	4	Radunonza da vischinadi
	5	Ilis geraus
	6	La cumissiun da vischinadi
	7	Ilis dumbravuschs
	8	Demissiuns/elecziuns
	9	Demissiuns, elecziuns communalas
	10	Buals e transits
	11	Castitgs
	12	Recuors
	13	Finanzas
	14	Revisiun dil quen da vischinadi
	15	Determinaziuns finalas

Art. 1
Territori Il vischinadi da Danis-Tavanasa sco fracziun politica dalla vischnaunca da Breil cumpeggia ils vitgs da Danis, Tavanasa ed ils uclauns dil Vali e Cathomen.

Art. 2
Vischins Vischins ein tuttas persunas, senza differenza da naziunalitad e dretg da burgheis, che habiteschan sin sura numnau territori ed ein registradas dalla controlla da habitonts dalla vischnaunca.

Art. 3
Organs Organs dil vischinadi ein:

- la radunonza da vischinadi
- ils commembers en suprastonza communal (geraus / ev. geraus e president communal)
- la cumissiun da vischinadi
- ils dumbravuschs

Art. 4
Radunonza da vischinadi Il commember vegl en suprastonza communal (caugerau) convochescha las radunonzas da vischinadi, numnadamein:

1. La radunonza da rendaquen e propostas per elecziuns

Quella ha liug cun caschun dallas elecziuns dils officials communnals che crodan mintga treis onns.

2. Radunonzas extraordinarias

- Sche 30 votantas e votants giavischan quei. La petiziun sto vegnir inoltrada en scret ed esser motivada.
- Sche la maioritad dils cusseglers dil cussegl da vischnaunca da Danis-Tavanasa giavischan ei.
- Sch'ils commembers en suprastonza communal anflan ei per bien.

Las tractandas previdas ein da publicar 8 dis avon la radunonza sin tabla nera ed el Fegl official dalla Surselva. Mintga radunonza clamada en conform a quest uorden ei cumpetenta da decider. Per votaziuns ed elecziuns vala il relativ pli. Tier paritad dallas

vuschs vala la fatschenta suenter la secunda votaziun sco renviada. Tier elecziuns vegn tratg la sort entras ils candidats pertuccai sut surveglionza dil biro electoral.
Il geraus cun l'incumbensa d'actuar prelegia mintgamai il protocol dalla radunonza precedentia.

Art. 5
Ils geraus (evtl. il geraus ed il president da vischnaunca) ein ils representants dil vischinadi en suprastonza communal. Per ordinari surpren il geraus vegl en uffeci il presidi e l'auter igl actuariat. Ein omisdus geraus tuttina biars onns en uffeci, tucca il presidi per ordinari al geraus cun las biaras vuschs tier las davosas elecziuns communalas. Sper las obligaziuns ordinaras tenor uorden communal han ils commembers en suprastonza communal da nies vischinadi suadont pensum:

- convocar, presidiar e menar il protocol dallas radunonzas da vischinadi,
- render rapport sur dallas activitads en nies vischinadi durant la davosa perioda d'uffeci,
- menar las finanzas dil vischinadi e presentar mintga 3 onns in rendaquen alla radunonza da vischinadi.

Art. 6
La cumissiun da vischinadi secumpona tenor resultat dallas elecziuns communalas all'urna. Ella consista ord ils commembers en suprastonza communal da nossa fracziun, il commember dalla cumissiun da quen e gestiun communal ed in geraus cass. Seretilan omisdus geraus en uffeci el medem temps da lur uffeci, ha il geraus cass cun il meglier resultat a caschun dallas davosas elecziuns communalas la preferenza da restar en cumissun da vischinadi.

Pensum dalla cumissiun:

- Cusseglar ils commembers dalla suprastonza communal en damondas che pertuccan expressivamein il vischinadi ni ses interess.
- Eleger igl administratur digl inventari.
- Preparar las propostas per mauns dalla radunonza dil vischinadi per:

- ils dus dumbravuschs da vischinadi
- ils officials da vischnaunca
- ils officials dil cumin
- ils commembers da differentas cumissiuns e delegai en differents gremis communalas e regionalas per mauns dalla suprastonza communal.

Cumpetenzas finanzialas dalla cumissiun

La cumissiun ha la cumpetenzza d'in credit annual da frs. 1000.– per intents spezifics dil vischinadi.

Art. 7

Ils dumbravuschs

Ils dumbravuschs da vischinadi han la funcziun dad esser segid-eivels culs geraus a caschun da tuttas votaziuns ed elecziuns. Ultra da quei exequeschan els tier las radunonzas dil vischinadi il mandat sco dumbravuschs (uffeci d'honor).

Art. 8

Demissiuns/
elecziuns

Demissiuns

Las demissiuns dils officials dil vischinadi ein da far a scret entochen ils 28 da fevrer digl onn d'elecziuns per mauns dil caugerau.

Elecziuns

Il vischinadi ha d'eleger ils 2 dumbravuschs da vischinadi.

Las elecziuns vegnan fatgas a caschun dalla radunonza da rendaquen, la quala croda mintga 3 onns. Ein pliras propostas per in post avon maun, succeda l'elecziun cun scrutini.

Art. 9

Demissiuns

Demissiuns

Las demissiuns d'in uffeci communal, d'ina appartenenza ad ina cumissiun d'in u l'auter gener ein da far a scret alla suprastonza communal sil pli tard entochen ils 28 da fevrer digl onn d'elecziuns. las demissiuns vegnan publicadas dalla suprastonza communal el Fegl official dalla Surselva.

Elecziuns communalas

Elecziuns
communalas

Entochen ils 30 d'avrel ha il vischinadi d'inoltrar alla canzlia communal la gliesta dils candidats tenor art. 14 dalla constituziun da vischnaunca.

La cumissiun da vischinadi fa las preparativas per las propostas a caschun dalla radunonza da vischinadi.

Propostas per mauns dalla cumissiun, san vegnir fatgas enteifer 15 dis suenter che la publicaziun officiala dallas demissiuns ei fatga. Las propostas ein d'inoltrar als geraus.

Propostas valeivlas san mo vischinas e vischins cun il dretg da votar e sesents en nies vischinadi far. Ellas ein d'inoltrar a scret ed han da cuntener il(s) num(s) dil(s) proponent(s).

La cumissiun da vischinadi sa nominar ulteriurs candidats per mauns dalla radunonza da vischinadi.

A caschun dalla radunonza da vischinadi stat ei liber als vischins da far propostas per ulteriurs candidats. Ils proponi ston esser presents ni perstgisai alla radunonza e confirmar lur veglia da star a disposiziun per ina candidatura.

L'elecziun dils officials da vischnaunca sedrezza tenor nossa constituziun communal vertenta e tenor il regulativ communal per l'elecziun dils officials da vischnaunca.

Croda in candidat per president, geraus ni cumissiun da gestiun ord l'elecziun, sa el sin giavisch, ch'ei d'exprimer sil pli tard a caschun dalla radunonza da vischinadi, vegni nominaus sco candidat per il cussegl da vischnaunca.

Per commembers da differentas cumissiuns e delegai en differents gremis communalas e regionalas ord nies vischinadi, il qual il cussegl da vischnaunca ei cumpetents d'eleger, sa la cumissiun da vischinadi e la radunonza da vischinadi far concretas propostas per mauns dalla suprastonza communal.

Art. 10

La pasculaziun cumina ei serada per tut ils animals duront igl entir onn sil territori dil vischinadi da Danis-Tavanasa.

Buals e transits

Art. 11

Vischins che cuterfan a quest uorden vegnan puni entras la suprastonza communal.

Castitgs

